

প্রতিলিপি—১

রোজস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

মঙ্গলবার, ডিসেম্বর ৩১, ২০০২

গণপ্রজাতন্ত্রী বাংলাদেশ সরকার  
প্রবাসী কল্যাণ ও বৈদেশিক কর্মসংস্থান মন্ত্রণালয়  
প্রজ্ঞাপন

তারিখ, ১৬ই পৌষ ১৪০৯/৩০শে ডিসেম্বর ২০০২

নং এস, আর, ও ৩৭১-আইন/২০০২।—Emigration Ordinance, 1982 (Ord. XXIV of 1982) এর section 19 এ প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা :—

- ১। সংক্ষিপ্ত শিরোনাম এবং প্রবর্তন :—এই বিধিমালা রিকুটিং এজেন্ট আচরণ ও লাইসেন্স বিধিমালা, ২০০২ নামে অভিহিত হইবে।
- ২। সংজ্ঞা :—বিষয় ও প্রসঙ্গের পরিপন্থী কিছু না থাকিলে, এই বিধিমালায়—
- (ক) “অর্ডিন্যান্স” অর্থ The Emigration Ordinance, 1982 (Ord. XXIV of 1982) ;
  - (খ) “ইমিগ্রেশ্ট” অর্থ ধারা ২(১)(ই) তে সংজ্ঞায়িত emigrant ;
  - (গ) “চাহিদা” অর্থ ধারা ২(১)(বি) তে সংজ্ঞায়িত demand ;
  - (ঘ) “ডাটা ব্যাংক” অর্থ বৈদেশিক কর্মসংস্থান সম্পর্কিত তথ্যাবলী সংরক্ষণের উদ্দেশ্যে সরকার কর্তৃক গঠিত ব্যাংক ;
  - (ঙ) “দলগত ভিসা” অর্থ ৮(আট) জনের অধিক ব্যক্তির বৈদেশিক চাকুরীর উদ্দেশ্যে অন্য রাষ্ট্রে প্রবেশের অনুমতিস্বলিত নাম উল্লেখবিহীন ভিসা বা প্রবেশপত্র অথবা অনুরূপ কোন কাগজপত্র ;
  - (চ) “ধারা” অর্থ অর্ডিন্যান্সের কোন section ;

(৫৫২১)

মূল্যঃ টাকা ৩.০০

- (ছ) “নিবন্ধক” অর্থ বিধি ৩ এর অধীন নিযুক্ত কর্মকর্তা ;
- (জ) “নিয়োগ” অর্থ ধারা ২(১)(এল) এ সংজ্ঞায়িত recruit ;
- (ঝ) “নিয়োগকর্তা” অর্থ বৈদেশিক চাকুরীর নিয়োগকর্তা ;
- (ঞ) “ফরম” অর্থ এই বিধিমালার সহিত সংযোজিত ফরম ;
- (ট) “লাইসেন্স” অর্থ ধারা ২(১)(জি) তে সংজ্ঞায়িত licence ;
- (ঠ) “শ্রমিক” অর্থ বৈদেশিক চাকুরী সংক্রান্ত চুক্তিপত্রের অধীন কর্মরত কোন বাংলাদেশী নাগরিক ;
- (ড) “সরাসরি নিয়োগ” অর্থ কোন ব্যক্তি অথবা কোন একটি দল অথবা অনুর্ধ্ব ৮(আট) ব্যক্তি তাহাদের নিজস্ব প্রচেষ্টা অথবা আঘায়-স্বজন বা বন্ধু-বাস্তবের প্রচেষ্টার মাধ্যমে কোন বৈদেশিক চাকুরীতে নিয়োগ ;
- (চ) “সার্ভিস চার্জ” অর্থ বিধি ১০ এর অধীন নির্ধারিত চার্জ ;
- (ণ) “রিক্রিউটিং এজেন্ট” অর্থ ধারা ২(১)(কে) তে সংজ্ঞায়িত recruiting agent ;
- (ত) “ব্যক্তিগত ভিসা” অর্থ বৈদেশিক চাকুরীতে সরাসরি নিয়োগের উদ্দেশ্যে অন্য রাষ্ট্রে প্রবেশের অনুমতিসম্পত্তি ভিসা বা প্রবেশপত্র বা অনুরূপ কোন কাগজপত্র ;
- (থ) “ব্যাংক” অর্থ যে কোন তফসিলি ব্যাংক ;
- (দ) “ব্যুরো” অর্থ জনশক্তি, কর্মসংস্থান ও প্রশিক্ষণ ব্যুরো ; এবং
- (ধ) “বৈদেশিক চাকুরী” অর্থ ধারা ২(১)(আই)তে সংজ্ঞায়িত overseas employment ।

৩। লাইসেন্সের আবেদন ।—(১) কোন ব্যক্তি নির্ধারিত আবেদন ফি এবং নিম্নবর্ণিত কাগজাদিসহ মহাপরিচালকের নিকট লাইসেন্সের জন্য আবেদন (ফরম-১) করিতে পরিবেন, যথা :—

- (ক) আবেদনকারী কোম্পানী হইলে, উহার সংঘবিধির সত্যায়িত কপি অথবা আবেদনকারী অংশীদারী প্রতিঠান হইলে অংশীদারী দলিলের সত্যায়িত কপি অথবা আবেদনকারী একক অংশীদার হইলে বিনিয়োগকৃত মূলধনের পরিমাণ ও ব্যবসায়িক পরিকল্পনা ও কর্মসূচী উল্লেখপূর্বক হলফনামা ;
- (খ) আবেদনপত্রের সহিত নূনপক্ষে ১,০০,০০০ (এক লক্ষ) টাকা ব্যাংকে নগদ জমার সার্টিফিকেট অথবা আয়কর অফিসে জমাকৃত বিগত ২ বৎসরের পরিসম্পদ ও দায় এর হিসাবসহ আয়কর রিটার্নের সত্যায়িত কপি ;

- (গ) গত ৫ বৎসর যাবৎ আবেদনকারী যে এলাকায় অবস্থান করিয়াছেন সে এলাকার থানা হইতে পুলিশ ছাড়পত্র ;
- (ঘ) আবেদনকারীকে এই মর্মে একটি হলফনামা দাখিল করিতে হইবে যে—
- (অ) তিনি কারিগরী ও স্বাস্থ্যগতভাবে যোগ্য প্রার্থী নির্বাচন করিবেন ;
- (আ) তিনি তাহার কর্মচারীদের সকল কার্যকলাপের জন্য সম্পূর্ণ দায়ী থাকিবেন ;  
এবং
- (ই) প্রার্থী মনোনয়ন সংক্রান্ত সকল দাবী ও দায়-দায়িত্বের জন্য সম্পূর্ণরূপে দায়ী থাকিবেন ;
- (ঙ) সাংগঠনিক ছক, প্রার্থী নিয়োগ ও পদায়নের সহিত সংশ্লিষ্ট সকল কর্মকর্তার তালিকা ও তাহাদের সত্যায়িত পাসপোর্ট সাইজ ছবি ;
- (চ) অফিস ফ্লোর পরিকল্পনা, লে-আউট পরিকল্পনা ও সাজ-সরঞ্জামাদির তালিকা ও অন্যান্য সুযোগ-সুবিধার বিবরণ ; এবং
- (ছ) ইমিগ্যান্টদের প্রশিক্ষণ সংক্রান্ত তথ্যাদি ।
- (২) উপ-বিধি (১) এর অধীন আবেদন প্রাপ্তির পর মহাপরিচালক বদি ঘনে করেন যে সকল কাগজাদি যথাযথ রহিয়াছে তাহা হইলে পরবর্তী দশ কার্যদিবসের মধ্যে উক্ত কাগজাদির যথার্থতা ও আবেদনকারীর বিশ্বাসযোগ্যতা বিষয়ে ত্রিপ কার্যদিবসের মধ্যে অনুসন্ধানের ব্যবস্থা করিবে ।
- (৩) উপ-বিধি (৩) এর অধীন যথাযথ অনুসন্ধান ও পরিদর্শন করিয়া আবেদনের যথার্থতা ও আবেদনকারীর বিশ্বাসযোগ্যতা সম্পর্কে ঘৃতামতসহ সুপারিশ প্রণয়ন করিয়া সরকার বরাবরে প্রয়োজনীয় ব্যবস্থা গ্রহণের জন্য প্রেরণ করিবে ।

(৪) নিবন্ধক যে বিষয়গুলি পরিদর্শন করিবে তাহা নিম্নরূপ, যথা :—

- (ক) অফিস ফ্লোর পরিকল্পনা ও লে-আউট, সুযোগ-সুবিধা ও সাজ-সরঞ্জাম ;
- (খ) সাংগঠনিক কাঠামো ও কর্মচারী ;
- (গ) হিসাবের বই ও অন্যান্য অর্থ সংক্রান্ত রেকর্ড ;
- (ঘ) প্রতিষ্ঠানের বা শেয়ারের মালিকানা ;
- (ঙ) প্রশিক্ষণ ইনসিটিউট ; এবং
- (চ) অন্যান্য দলিলপত্র ।



(৫) সরকার নিবন্ধকের সুপারিশ বিবেচনা করিয়া আবেদনকারীর লাইসেন্সের আবেদন ঘণ্টুর বা নামঞ্জুর করিবে।

(৬) আবেদন ঘণ্টুর করা হইলে সরকার আবেদনকারীকে নিবন্ধকের অনুকূলে বিধি ৭ এর অধীন নির্ধারিত লাইসেন্স ফি (ব্যাংক ড্রাফটের আধ্যয়ে), জামানত (নগদ) এবং নির্ধারিত টাকার সংখ্যাপত্র জমাদানের জন্য নির্দেশ প্রদান করিবে।

(৭) উপ-বিধি (৬) এর নির্দেশ অনুসারে আবেদনকারী লাইসেন্স ফি, জামানত ও সংখ্যাপত্র নিবন্ধকের অনুকূলে জমাদানের রসিদ মহাপরিচালকের নিকট দাখিল করিলে মহাপরিচালক ধারা ১০(২) এর অধীন আবেদনকারীর নামে লাইসেন্স (ফরম-২) ইস্যু করিবে।

৪। লাইসেন্সের বৈধতা ।—সরকার ধারা ১৪ এর অধীন লাইসেন্স বাতিল বা স্থগিত বা ধারা ১৫ এর অধীন লাইসেন্স প্রত্যাহার না করিলে প্রতিটি লাইসেন্স ইস্যুর তারিখ হইতে এক বছরের জন্য বৈধ থাকিবে।

৫। লাইসেন্স নবায়ন ।—(১) লাইসেন্সের মেয়াদ শেষ হওয়ার ৩০ (ত্রিশ) দিন পূর্বে লাইসেন্স নবায়নের জন্য নবায়ন ফি এবং নিম্নবর্ণিত কাগজাদিসহ মহাপরিচালকের নিকট আবেদন (ফরম-৩) করিতে হইবে, যথা :—

(ক) লাইসেন্সের সত্যায়িত ফটোকপি ;

(খ) গত বৎসরের কর্মকাণ্ডের প্রতিবেদনের (ফরম-৪) ২ (দুই) কপি ;

(২) লাইসেন্সের মেয়াদ উত্তীর্ণ হওয়ার পর যদি নবায়নের জন্য আবেদন করা হয় এবং বিলম্বে আবেদনপত্র দাখিলের কোন সন্তোষজনক কারণ আবেদনকারী দেখাইতে ব্যর্থ হন তাহা হইলে লাইসেন্স নবায়ন করা যাইবে না।

(৩) লাইসেন্স নবায়নের আবেদনপত্র পাওয়ার পর নিবন্ধক প্রয়োজনীয় অনুসন্ধান ও পরীক্ষা-নিরীক্ষা করিয়া আবেদনকারীর কর্মকাণ্ডে সন্তুষ্ট হইলে, আবেদন প্রাপ্তির পরবর্তী ত্রিশ দিনের মধ্যে পরবর্তী এক বৎসরের জন্য সরকারের পূর্বানুমোদনক্রমে লাইসেন্স (ফরম-২) নবায়ন করিবে।

(৪) যদি লাইসেন্স নবায়নের সময় মহাপরিচালক এই মর্মে সন্তুষ্ট হন যে, রিক্রুটিং এজেন্ট অসদাচরণের জন্য দায়ী, অথবা তাহার কার্যসম্পাদন অসন্তোষজনক, অথবা তাহাকে বিদেশে শ্রমিক নিয়োগ সংক্রান্ত কোন দুর্কর্ম বা অপরাধের জন্য শাস্তি প্রদান করা হইয়াছে, অথবা শ্রমিক নিয়োগের ক্ষেত্রে তাহার বিরুদ্ধে অতিরিক্ত অর্থ আদায়ের প্রমাণিত রেকর্ড রাখিয়াছে, অথবা অধ্যাদেশের অধীনে যাহার লাইসেন্স বাতিল করা হইয়াছে, অথবা যাহার বিরুদ্ধে অবৈধভাবে শ্রমিক প্রেরণের পূর্ববর্তী রেকর্ড রাখিয়াছে অথবা যিনি এই অধ্যাদেশ বা বিধিসমূহের বিধানাবলী লংয়ন করিয়াছেন, সেইক্ষেত্রে মহাপরিচালক কারণ লিপিবদ্ধ করিয়া লাইসেন্স নবায়নের দরখাস্ত প্রত্যাখ্যন করিতে পারিবে :

তবে শর্ত থাকে যে, লাইসেন্স নবায়নের দরখাস্ত নামঞ্জুরের আদেশ প্রদানের পূর্বে রিক্রুটিং এজেন্টকে ব্যক্তিগত শুনানী প্রদানের সুযোগ দিতে হইবে।

৬। বাতিলকৃত লাইসেন্স পুনর্বহাল।—ধারা ১৪ এর অধীনে কোন লাইসেন্স বাতিল এবং জামানত বাজেয়াঙ্গ করা হইলে, যে কারণে লাইসেন্স বাতিল ও জামানত বাজেয়াঙ্গ করা হইয়াছে তাহা ৩০ (ত্রিশ) দিনের মধ্যে সংশোধন/পুরণপূর্বক বাতিল আদেশ প্রত্যাহার করার আবেদন করিলে সরকার পরীক্ষা-নিরীক্ষাপূর্বক লাইসেন্স বাতিল ও জামানত বাজেয়াঙ্গের বিষয় পুনর্বিবেচনাপূর্বক প্রত্যাহার করিতে পারিবে।

### ৭। রিক্রুটিং এজেন্টের আচরণ।—(১) প্রত্যেক রিক্রুটিং এজেন্ট—

- (ক) একটি নিয়মিত অফিস চালু রাখিবে এবং অফিসের একটি সাইনবোর্ড থাকিবে;
- (খ) পরিচিতি ও পরামর্শ প্রদানকল্পে একটি প্রদর্শন ও তথ্য পরামর্শ কেন্দ্র চালু রাখিবে;
- (গ) কেবল কারিগরী ও শারীরিকভাবে যোগ্য ইমিগ্র্যান্ট নির্বাচন করিবে;
- (ঘ) ডাটা ব্যাংক প্রতিষ্ঠার পর ডাটা ব্যাংক হইতে বাধ্যতামূলকভাবে প্রার্থী বাছাই করিবে;
- (ঙ) ডাটা ব্যাংকে উপযুক্ত প্রার্থী পাওয়া না গেলে, জেলা জনশক্তি অফিসে নিবন্ধনকৃত চাকুরী অব্বেষণকারীগণ হইতে ইমিগ্র্যান্ট নির্বাচন করিবে;
- (চ) যথাসম্ভব উৎকৃষ্টভাবে নিয়োগ এবং ডাক্তারী পরীক্ষা পরিচালনার ব্যবস্থা করিবে; এবং
- (ছ) চুক্তির শর্তাবলী আক্ষরিক ও নীতিগতভাবে মানিয়া চলিবে।

(২) চাহিদা সংগ্রহের সময় রিক্রুটিং এজেন্টগণ কর্তৃক নিম্নলিখিত বিধিসমূহ কঠোরভাবে মানিয়া চলিতে হইবে, যথা :—

- (ক) ইমিগ্র্যান্টদের জন্য অধিকতর চাকুরীর সুযোগ নিশ্চিত করিবার উদ্দেশ্যে নৃতন করিয়া চাকুরীর চুক্তি সূচনা করিয়াছে অথবা বৈদেশিক নাগরিকগণকে চাকুরীর সুযোগ প্রদান করিয়াছে এমন নৃতন কোম্পানীগুলির সহিত যোগাযোগ স্থাপনের চেষ্টা করিবে;
- (খ) একজন রিক্রুটিং এজেন্ট অন্য রিক্রুটিং এজেন্টের সঙ্গে প্রতিযোগিতা এড়াইয়া চলিবে;
- (গ) যেইক্ষেত্রে কোন নিয়োগকর্তা বাংলাদেশস্থ একজন রিক্রুটিং এজেন্টের কার্য-সম্পাদনে সন্তুষ্ট না হইয়া তাহার স্থলে অন্য রিক্রুটিং এজেন্টকে নিয়োজিত করিতে চাহেন, সেইক্ষেত্রে ইমিগ্র্যান্টদের সার্ভিস চার্জ, যাতায়াত খরচ, বেতন ও প্রাণ্তিক সুবিধাদির ক্ষেত্রে পূর্ববর্তী রিক্রুটিং এজেন্টকে প্রদত্ত শর্তাদির নিম্ন পর্যায়ের শর্তাদি কোন রিক্রুটিং এজেন্ট গ্রহণ করিবে না;

- (ঘ) কোন রিক্রুটিং এজেন্ট ইমিগ্র্যান্টদের জন্য সরকার কর্তৃক অনুমোদিত বেতন ও চাকুরীর শর্তাবলীর নিম্নতর শর্তাবলী গ্রহণ করিবে না ;
- তবে শর্ত থাকে যে ব্যাপকসংখ্যক শূন্য পদের ক্ষেত্রে, নিয়োগকর্তা চূড়ান্ত প্রতিশ্রূতি প্রদানের পূর্বে রিক্রুটিং এজেন্ট যদি নিবন্ধকের নিকট আবেদন করে তাহা হইলে নিবন্ধক এই বিধির বিধান হইতে উক্ত এজেন্টকে অব্যাহতি দিতে পারিবে ;
- (ঙ) কোন ইমিগ্র্যান্ট বিদেশে তাহার সমগ্র চাকুরীকালীন চুক্তিতে উল্লিখিত বেতন ও অন্যান্য সুবিধাদি নিম্নতর পর্যায়ে না পায় সেই ব্যাপারে সকল রিক্রুটিং এজেন্টের নিশ্চিত হইতে হইবে ;
- (চ) রিক্রুটিং এজেন্ট এবং নিয়োগকর্তার মধ্যে এইরূপ কোন মৌখিক বা লিখিত সময়বোতা হইবে না যাহাতে বেতন এবং অন্যান্য শর্তাবলীর ক্ষেত্রে ইমিগ্র্যান্ট অসুবিধার সম্মুখীন হয় ;
- (ছ) সকল ক্ষেত্রে একজন ইমিগ্র্যান্টকে অবশ্যই চুক্তির কপি প্রদান করিতে হইবে এবং নিবন্ধকের উপস্থিতিতে উহার বিষয়বস্তু ইমিগ্র্যান্টদের নিকট সবিস্তারে ব্যাখ্যা করিতে হইবে ;
- (জ) কোন রিক্রুটিং এজেন্ট এমন কোন নিয়োগকর্তার নিকট হইতে চাহিদা গ্রহণ করিবে না, যিনি অন্য কোন রিক্রুটিং এজেন্টকে তাহার প্রাপ্য কমিশন হইতে বাধ্যত করিয়াছে ;
- (ঝ) ইমিগ্র্যান্টের নিকট হইতে কোন রিক্রুটিং এজেন্ট সার্ভিজ চার্জ ব্যতীত অন্য কোন কি গ্রহণ করিতে পারিবে না ;
- (ঝঃ) ~~কোন রিক্রুটিং এজেন্ট বেআইনী কার্যকলাপ, যেমন—ভূয়া ভিসা, দলগত ভিসা ভাঙালো, ভ্রমণ, অধ্যয়ন অথবা উমরাহ ভিসাকে বৈদেশিক চাকুরীর জন্য ব্যবহার সংক্রান্ত কাজে জড়িত হইবে না বা অন্য কোন ব্যক্তিকে এই ব্যাপারে সাহায্য অথবা সহায়তা করিবে না ;~~
- (ট) কোন রিক্রুটিং এজেন্ট জাতসারে ও ইচ্ছাকৃতভাবে কোন নিয়োগকর্তাকে নিম্নমানের জনশক্তি সরবরাহ করিবে না ;
- (ঠ) ব্যবসা সংক্রান্ত বিষয়ে বিদেশীদের সঙ্গে কাজ করিবার সময় জাতীয় আদর্শ সমূলত রাখা এবং জাতীয় স্বার্থ সংরক্ষণ করা ;
- (ড) ~~বিদেশে দেশের ভাবমূর্তি ক্ষণ হয় এইরূপ কোন কাজ করা অথবা কথা বলা হইতে বিরত থাকিবে ;~~
- (ঢ) চাকুরীর নির্ধারিত শর্তাবলীর নীচে কোন শর্তাবলী গ্রহণ করিবে না ;

- (গ) চাহিদা সংগ্রহের ক্ষেত্রে কখনও এমন কোন পক্ষা অবলম্বন করিবে না যাহাতে দেশ বা শ্রমিকগণের স্বার্থের ক্ষতি হয় ; এবং
- (ত) চাহিদা সংগ্রহের ক্ষেত্রে ডাটা ব্যাংক হইতে কর্মী সংগ্রহ করিবে।
- (৩) ইমিট্রিয়ান্ট নির্বাচনের সময় রিক্রুটিং এজেন্টগণ নিম্নলিখিত নির্দেশসমূহ কঠোরভাবে পালন করিবে, যথা :—
- (ক) প্রজাপনের মাধ্যমে শ্রমিকগণকে সঠিক তথ্য প্রদান করা ;
- (খ) চাকুরীর প্রাপ্য সকল সুবিধাদি জ্ঞাত করা ;
- (গ) শ্রমিকগণের নিকট হইতে কেবল সরকার কর্তৃক নির্ধারিত সার্ভিস চার্জ দাবী করা এবং কোন ক্রমেই অতিরিক্ত দাবী না করা ;
- (ঘ) বিদেশে চাকুরীর থাকাকালীন সময়ে চুক্তিবদ্ধ শ্রমিকগণকে সম্ভাব্য সকল প্রকার সহায়তা প্রদান করা ;
- (ঙ) শ্রমিকগণের প্রাপ্য যে কোন দাবী অবিলম্বে সুরাহা করা ; এবং
- (চ) চূড়ান্তভাবে নির্বাচিত প্রার্থীগণকে ব্রিফিং কেন্দ্রে উপস্থিত নিশ্চিত করা।

(৪) লাইসেন্স প্রাপ্তির পাঁচ বৎসরের মধ্যে কোন রিক্রুটিং এজেন্ট ন্যূনতম তিনিশত জন ইমিট্রিয়ান্টকে কর্মসংস্থানের ব্যবস্থা করিতে না পারিলে উক্ত রিক্রুটিং এজেন্টের লাইসেন্স পাঁচ বৎসর শেষ হওয়ার সাথে সাথে বাতিল বলিয়া গণ্য হইবে এবং জামানতের অর্ধেক টাকা বাজেয়াঙ্গ হইয়া ইমিট্রিয়ান্ট কল্যাণ তহবিলে জমা হইবে।

৮। লাইসেন্স ফি, জামানত, ইত্যাদি।—সরকার সময় সময় সরকারী গেজেটে প্রজাপন দ্বারা লাইসেন্স আবেদন ফি, লাইসেন্স ফি, জামানত, সঞ্চয়পত্রের টাকার পরিমাণ ও নবায়ন ফি নির্ধারণ করিবে।

৯। বিধি লজ্জনের শাস্তি।—যদি কেহ এই বিধির কোন বিধান লংঘন করেন তবে তিনি ধারা ২০(২) এ উল্লিখিত অপরাধে অপরাধী হইবেন।

১০। লাইসেন্সধারী এজেন্টের সংঘ গঠন।—(১) সরকারের অনুমোদনক্রমে রিক্রুটিং এজেন্টগণ সংঘ গঠন করিতে পারিবে।

(২) প্রত্যেক রিক্রুটিং এজেন্ট সংঘের সদস্য হইবে।

(৩) সংঘের সদস্যগণ আচরণবিধি এবং সরকারের অনুমোদনক্রমে সংঘ কর্তৃক যে কার্যবিধি প্রণীত হইবে, তাহা মানিয়া চলিবে।

১১। সার্ভিস চার্জ।—(১) সরকার সময় সময় সরকারী গেজেটে প্রজাপন দ্বারা রিক্রুটিং এজেন্ট কর্তৃক ইমিট্রিয়ান্ট হইতে আদায়কৃত সার্ভিস চার্জের টাকার পরিমাণ নির্ধারণ করিবে।

(২) সার্ভিস চার্জে যাতায়াত খরচ অন্তর্ভুক্ত হইবে না, তবে দক্ষতা পরীক্ষার পরিব্যয় সার্ভিস চার্জে অন্তর্ভুক্ত হইবে।

(৩) অন্যান্য ফি, যেমন স্বাস্থ্যগত পরীক্ষা, পাসপোর্ট, ভিসা এবং আরোহণ ফি সরকার কর্তৃক সময় সময় সরকারী গেজেটে প্রজ্ঞাপন দ্বারা নির্ধারিত হইবে এবং উহা সার্ভিস চার্জে অন্তর্ভুক্ত হইবে না।

(৪) ইমিগ্র্যান্ট নির্বাচনের পূর্বে কোন রিক্রুটিং এজেন্ট ইমিগ্র্যান্টের নিকট হইতে কোন ফি দাবী করিবে না এবং যথাযথ রসিদ ব্যতিরেকে কোন ফি আদায় করিবে না।

১২। রাহিতকরণ ও হেফাজত।—(১) এই বিধিমালা কার্যকর হওয়ার পর এতদ্ব্যতীন পূর্ববর্তী সকল প্রজ্ঞাপন, আদেশ বাতিল বলিয়া গণ্য হইবে।

(২) উপ-বিধি (১) এ যাহা কিছুই ধারুক না কেন, বাতিলকৃত প্রজ্ঞাপন বা আদেশের অধীন কৃত কর্ম বা গৃহীত ব্যবস্থা এই বিধিমালার অধীন কৃত বা গৃহীত বলিয়া গণ্য হইবে।

রাষ্ট্রপতির আদেশক্রমে

মোঃ দলিলউদ্দিন মঙ্গল  
ভারপ্রাণ সচিব।

ফরম-১

(বিধি-৩)

## লাইসেন্সের আবেদনপত্র

- ১। নাম (স্পষ্টাক্ষরে) :
- ২। পিতার নাম (স্পষ্টাক্ষরে) :
- ৩। ঠিকানা :
- ৪। জাতীয়তা :
- ৫। শর্যাদা, ব্যক্তি মালিকানা, অংশীদারিত্ব অথবা :  
কোম্পানী কি-না।
- ৬। অংশীদার বা পরিচালকদের নাম ও ঠিকানা :  
(প্রত্যেকের নয়না স্বাক্ষর ও সত্যায়িত পাস-  
পোর্ট সাইজ ছবিসহ)।
- ৭। কর্মচারীগণের নাম :
- ৮। আয়কর রিটার্ন এবং কর অফিস কর্তৃক  
ইস্যুকৃত গত দুই বৎসরের পরিসম্পদ ও  
দায় এর সাটিফিকেটের সত্যায়িত কপি  
আলাদা করে।
- ৯। অফিস ফ্লোর ও লে-আউট পরিকল্পনা এবং :  
সাজ-সরঞ্জাম সুবিধাদির তালিকা।

আমি/আমরা এই মন্তব্য ঘোষণা করিতেছি যে, অত্র দরখাস্তে প্রদত্ত তথ্য ও কাগজাদি সত্য ও সঠিক।

তারিখ :

আবেদনকারীর স্বাক্ষর ও সিলমোহর

ফর্ম-২

বিধি ৩(৭)

লাইসেন্স

(অহঙ্কারযোগ্য)

লাইসেন্স নং

মালিক/ব্যবস্থাপনা

এজেন্সীর নাম :

পরিচালক/অংশীদারের ছবি

ব্যবসায়িক ঠিকানা :

নমুনা স্বাক্ষর-

মালিকের নাম :

ব্যবস্থাপনা অংশীদার/ব্যবস্থাপনা পরিচালক

Emigration Ordinance, 1982 (XXIV of 1982) এর section 10 অনুযায়ী  
 রিঝুটিং এজেন্সী পরিচালনার জন্য এই লাইসেন্স ইস্যু করা হইল এবং এই লাইসেন্স এক বৎসর  
 বলবৎ থাকিবে।

তারিখ : ..... ঢাকা

মহাপরিচালক

২০০২ সনের ..... মাসের ..... দিন

জনশক্তি, কর্মসংস্থান ও প্রশিক্ষণ বুরো

গণপ্রজাতন্ত্রী বাংলাদেশ সরকার।

## ফরম-৩

## [বিবিধ-৫(১)]

## লাইসেন্স নবায়নের আবেদনপত্র

- (১) রিকুটিং এজেন্টের নাম ও ঠিকানা :  
 (২) মালিক/ব্যবস্থাপনা অংশীদার/ব্যবস্থাপনা পরিচালকের নাম :  
 (৩) রিকুটিং এজেন্ট লাইসেন্সের ফটোকপি :  
 (৪) লাইসেন্স ইস্যুর তারিখ :  
 (৫) গত ৫ বৎসরের কর্মকাণ্ডের প্রতিবেদন :  
 (২ কপিতে সংযুক্ত বিবরণী অনুসারে)  
 (৬) যথাপরিচালক, জনশক্তি, কর্মসংহাল ও প্রশিক্ষণ ব্যৱৰোধ  
 অনুকূলে প্রদত্ত সরকার কর্তৃক নির্ধারিত পরিমাণ টাকা ব্যাংক  
 ড্রাফট/পে-অর্ডার।  
 (৭) মালিক/ব্যবস্থাপনা পরিচালক/ব্যবস্থাপনা অংশীদারের বিকল্পে :  
 কোন আদালতে দেওয়ানী বা ফৌজদারী মামলা, অনিষ্পত্ত  
 থাকিলে উহার বিবরণ।  
 (৮) রিকুটিং এজেলির বিকল্পে কোন আদালত কর্তৃক কোনোরূপ  
 সাজা প্রদত্ত হইয়া থাকিলে অথবা সরকার বা ব্যৱৰো কর্তৃক  
 কোন ব্যবস্থা গৃহীত হইয়া থাকিলে উহার বিবরণ।

আমি/আমরা ঘোষণা করিতেছি যে, উপরে প্রদত্ত তথ্যাবলী সত্য এবং সংযুক্ত  
 দলিলপত্রসমূহ সঠিক।

তারিখ :.....

সীলনোহরসহ আবেদনকারীর স্বাক্ষর

## ফরম-৪

[ বিধি-৫(ষ) ]

## রিজুটিং এজেন্টের কার্য সম্পাদন সম্পর্কে প্রতিবেদন

১।	সনে বিদেশী চাকুরীতে প্রেরিত ব্যক্তিগণের সংখ্যা	:
২।	যথাযথ অনুমতিসহ বিজ্ঞাপন দেওয়া হইয়াছে কি না	:
৩।	অফিসের ঠিকানা পরিবর্তন করা হইয়াছে কি না	:
৪।	উভয় হাঁ হইলে অনুমতি গ্রহণ করা হইয়াছে কি না	:
৫।	নিয়োগকর্তা/দৃতাবাস অথবা শ্রম এটাশে/জনসাধারণ/অন্যান্য সূত্র হইতে গত বৎসর তাহার কার্যকলাপের বিরুদ্ধে কোন অভিযোগ পাওয়া গিয়াছে কি না।	:
৬।	আদালতে কোন মামলা আছে কি না	:
৭।	লাইসেন্স কখনও বাতিল করা হইয়াছিল কি না	:
৮।	কোন কারণ দর্শাও নেটিশ প্রদান করা হইয়াছিল কি না	:
৯।	লাইসেন্সের নবায়ন প্রত্যাখ্যাত হইয়াছিল কি না এবং উহা আপীল ও নবায়নের পর পুনর্বাল হইয়াছিল কি না।	:
১০।	মহাপরিচালক, জনশক্তি, কর্মসংস্থান ও প্রশিক্ষণ ব্যৱৰ্তনে এবং পর্যবেক্ষণ ও মূল্যায়ন।	:

তাৰিখ :.....

মহাপরিচালকের স্বাক্ষৰ ও সীলনোহৰ